

**VENDIM****Nr. 8, datë 13.2.2017**

**PËR SHPËRNDARJEN E FINANCIMIT
PËR PROJEKTE, THIRRJA E KATËRT
PËR VITIN 2016, TË GRANTIT
“INFRASTRUKTURA VENDORE DHE
RAJONALE”, PROGRAMI I ZHVILLIMIT
TË INFRASTRUKTURËS VENDORE
DHE RAJONALE, SHTYLLA I**

Në mbështetje të nenit 100 të Kushtetutës, të nenit 16 dhe të aneksit 3, të ligjit nr. 130, datë 15.12.2016, “Për buxhetin e vitit 2017”, me propozim të Ministrisë së Zhvillimit Urban, Komiteti për Zhvillimin e Rajoneve

VENDOSI:

1. Shpërndarjen e financimit për projektet e reja të thirrjes së katërt për vitin 2016, me burim financimi buxhetin total të projekteve të reja për vitin 2017, të programit buxhetor “Infrastruktura vendore dhe rajonale”, pranë Ministrisë së Zhvillimit Urban, prej 3 450 865 269 (tre miliardë e katërqind e pesëdhjetë milion e tetëqind e gjashtëdhjetë e pesë e dyqind e gjashtëdhjetë e nëntë) lekë, i përbërë nga:

a) fondi i papërdorur për vitin 2016, pjesë e Fondit për Zhvillimin e Rajoneve, prej 999 677 353 (nëntëqind e nëntëdhjetë e nëntë milionë e gjashtëqind e shtatëdhjetë e shtatë mijë e treqind e pesëdhjetë e tre) lekë;

dhe

b) fondi për financimin e projekteve të reja prej 2 451 187 916 (dy miliardë e katërqind e pesëdhjetë e një milion e njëqind e tetëdhjetë e shtatë mijë e nëntëqind e gjashtëmbëdhjetë) lekë, nga programi buxhetor “Infrastrukturë vendore dhe Rajonale” i Ministrisë së Zhvillimit Urban, për vitin 2017.

2. Shpërndarja e financimit për projekte të reja, thirrja e katërt për vitin 2016, sipas pikës 1 të këtij vendimi, të bëhet sipas tabelës 1/1 dhe 1/2, bashkëlidhur këtij vendimi.

3. Të gjitha autoritetet kontraktuese, projektet e të cilave miratohen për financim sipas pikës 1 të këtij vendimi, brenda një jave nga data e publikimit të tij në Fletoren Zyrtare, duhet të paraqesin në sekretariatit teknik, pranë Ministrisë së Zhvillimit Urban, kalendarin me të gjitha afatet e parashikuara për fazat e prokurimit publik dhe të zbatimit të punimeve të ndërtimit, si dhe të përdorimit të fondeve dhe emrin e personit përgjegjës për informimin periodik.



4. Autoritetet kontraktuese për projektet sipas pikës 2 të këtij vendimi, duhet të kryejnë procedurat e prokurimit publik dhe të lidhjes së kontratës përkatëse për zbatimin e punimeve të ndërtimit, përpara fundit të tremujorit të dytë, të vitit 2017. Për fondet e projekteve të paprokuruar sipas këtij afati, Komiteti për Zhvillimin e Rajoneve ka të drejtën të rishqyrtojë financimin dhe t'i rishpërndajë ato.

5. Ngarkohet sekretariati teknik, pranë Ministrisë së Zhvillimit Urban, të kryejë monitorimin e ecurisë së përdorimit të fondeve, sipas kalendarit të paraqitur nga autoritetet kontraktuese, në përputhje me pikën 3 të këtij vendimi dhe të informojë Ministrinë e Financave dhe periodikisht Komitetin për Zhvillimin e Rajoneve, përmes Sekretariatit të Përgjithshëm të Komitetit për Zhvillimin e Rajoneve.

6. Ngarkohen ministri i Zhvillimit Urban dhe ministri i Financave, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDESKRYETAR
Niko Peleshi

Zëvendëskryeminstri	Zëvendëskryetar;
Ministri i Financave	anëtar;
Ministri i Zhvillimit Ekonomik, Turizmit, Tregtisë dhe Sipërmarrjes	anëtar
Ministri i Zhvillimit Urban	anëtar;
Ministri i Transportit dhe Infrastrukturës	anëtar;
Ministri i Arsimit dhe Sportit	anëtar;
Ministri i Bujqësisë, Zhvillimit Rural dhe Administrimit të Ujërave	anëtar;
Ministri i Shëndetësisë	anëtar;
Ministri i Kulturës	anëtar;
Ministri i Mjedisit	anëtar;
Ministri i Punëve të Brendshme	anëtar;
Ministri i Shtetit për Inovacionin dhe Administratën Publike	anëtar;
Ministri i Shtetit për Çështjet Vendore	anëtar;
Kryetari i Shoqatës së Qarqeve të Shqipërisë	anëtar;
Kryetari i Shoqatës së Bashkive të Shqipërisë /	
Përfaqësuesi i Bordit të Agjencisë për Zhvillim Rajonal nr.1	anëtar;
Kryetari i Shoqatës për Autonomi Vendore /	
Përfaqësuesi i Bordit të Agjencisë për Zhvillim Rajonal nr.2	anëtar;
Përfaqësuesi i Bordit të Agjencisë për Zhvillim Rajonal nr.3	anëtar;
Përfaqësuesi i Bordit të Agjencisë për Zhvillim Rajonal nr.4	anëtar.



Tabela 1/1 Lista e disa projekteve të reja, thirrja e katërt për vitin 2016, me cikël zbatimi 2017-2018.

Nr.	Autoriteti Kontraktues	Emërtimi i Projektit	Vlera e plotë e projektit (në Lekë)	Vlera e financimit për vitin 2017 (në Lekë)
QARKU LEZHË				
1	Bashkia Mirditë	Zgjatimi i unazës së qytetit Rrëshen	150,587,989	75,293,995
QARKU SHKODËR				
2	Bashkia Vau i Dejës	Rehabilitim i fasadave në Bashkinë Vau i Dejës, Qendër Vau i Dejës	49,279,345	49,279,345
QARKU DIBËR				
3	Bashkia Bulqizë	Qendra e Qytetit të Ri, sheshi para ish-Këshillit të Rrethit, Bulqizë	24,401,428	24,401,428
QARKU TIRANË				
4	Bashkia Kavajë	Rikonstruksioni i rrugës “Xhami-Golem”	25,040,768	25,040,768
5	Bashkia Tiranë	Rikualifikim urban i bllokut që kufizohet nga rruga “Elbasanit” - “Stavri Vinjaku” - “Pjeter Budi” – “Ali Visha”, NJA 2	141,426,758	70,713,379
6	Bashkia Tiranë	Rikualifikim urban i bllokut të kufizuar nga rruga “Lambi Bonati” - “Haki Stermilli” – “Musine Kokalari” dhe rikonstruksion i rrugës “Zyber Zeneli”, NJA 6	122,270,071	61,135,036
QARKU ELBASAN				
7	Bashkia Elbasan	Rehabilitimi urban i sheshit “Zaranika” dhe Bulevardi “Aqif Pasha” (segmenti nga Kryqëzimi “1 Maji - Ura e Zaranikës”) - Faza IV	134,306,533	92,581,095
8	Bashkia Belsh	Ndërtimi i pedonales, korsisë së biçikletave, Liqeni Belsh	67,975,818	33,987,909
QARKU GJIROKASTËR				
9	Bashkia Libohovë	Rikualifikimi urban i qendrës së qytetit Libohovë	139,173,239	69,586,620
QARKU KORÇË				
10	Bashkia Pogradec	Sistemim rrugësh blloku tek Stadiumi	94,687,610	47,343,805
11	Bashkia Korçë	Rehabilitimi urban ndriçim, gjelbërim, në zona të ndryshme në qytet	118,921,058	59,460,529
12	Bashkia Korçë	Rehabilitim i zonave informale (lagjia 17 dhe 18, fundi i Parkut Rinia)	60,000,000	30,000,000
13	Bashkia Kolonjë	Rikualifikimi i qendrës së qytetit Leskovik	50,559,738	50,559,738
14	Bashkia Kolonjë	Rikonstruksion i rrugës “20 Maji”, në hyrje të qytetit Ersekë	35,997,041	35,997,041
15	Bashkia Maliq	Rivitalizimi i rrugës “Pëndavinj-Pojan-Zvezdë”	78,078,456	39,039,228
QARKU BERAT				
16	Bashkia Berat	Rikonstruksion i fasadave të ndërtesave të banimit dhe stadiumit “Tomori” në bulevardin “Republika”	86,976,834	43,488,417



17	Bashkia Poliçan	Rehabilitimi i zonës pas pallateve të ish-mapos dhe rikualifikim i fasadave të pallateve	23,205,535	23,205,535
18	Bashkia Poliçan	Rikualifikim i fasadave në Shëtitoren "Miqësia" dhe Rehabilitimi i rrugës së Tregut	8,311,575	8,311,575
QARKU FIER				
19	Bashkia Mallakastër	Rikualifikimi urban i lagjes "28 Nëntori" i qytetit Ballsh, Mallakastër	93,424,178	46,712,089
20	Bashkia Fier	Rehabilitimi i fasadave dhe rikonstruksioni i rrugës "Rauf Nallbani", si dhe rijetëzimi i hapësirës së terminalit të autobusave	143,041,147	71,520,574
QARKU VLORE				
21	Bashkia Finiq	Rikualifikimi urban i sheshit Livadhja	42,019,247	42,019,247
TOTALI			1,689,684,368	999,677,353

Shënim:

1. "Vlera e projektit", përfaqëson vlerën e financimit për projektin, miratuar me vendim të Komitetit për Zhvillimin e Rajoneve.
2. "Vlera e financimit për vitin 2017 (Tabela 1/1)", është financimi me burim fondin e papërdorur në vitin 2016, Granti "Infrastruktura vendore dhe rajonale", dhe i trashëguar për përdorim në vitin 2017. Konfirmimi nga Ministria e Financave është me shkresën nr. 403/22, Prot., dt 1.2.2017, dhe komunikuar nga sekretariati teknik pranë Ministrisë së Zhvillimit Urban, me shkresë nr.846, Prot., dt.7.2.2017.
3. Likuidimi financiar për vlerën e projektit (ose për vlerën e kontratës pas prokurimit publik) në vitet në vazhdim do të kryhet nga Ministria e Zhvillimit Urban, duke u bazuar edhe në ecurinë e zbatimit dhe të realizimit të projekteve, programuar në buxhet me shtrirje në 2 apo 3 vite.



Tabela 1/2 Lista e disa projekteve, thirja e katërt për vitin 2016, me cikël zbatimi 2017-2018

Nr.	Autoriteti Kontraktues	Emërtimi i Projektit	Vlera e plotë e projektit (në Lekë)	Vlera e financimit për vitin 2017 (në Lekë)
QARKU BERAT				
1	Bashkia Kuçovë	Rikualifikimi urban i lagjes Nr.1, Blloku “11 Janari”, Kuçovë	147,336,682	44,201,005
QARKU DIBËR				
2	Bashkia Klos	Ndërtimi i Bypass-it të qytetit Klos	117,781,840	35,334,552
QARKU DURRËS				
3	Bashkia Durrës	Rikualifikimi i hapësirave midis Kuartallit nga Rruga “Skënderbej” deri në rrugën “Mars 91” e hapësira deri tek rruga e Portit, si dhe sistemimi i ujërave të bardha deri tek Ura e Dajlanit, Faza I	120,000,000	36,000,000
4	Bashkia Durrës	Rehabilitimi i Sheshit Publik pranë Mauzoleumit, Faza II	300,000,000	90,000,000
5	Bashkia Krujë	Zgjerimi i rrugës kryesore, si edhe rikualifikimi i sheshit Mustafa Merlika	112,984,822	33,895,447
QARKU TIRANË				
6	Bashkia Kavajë	Unaza lindore e Kavajës	164,256,191	49,276,857
QARKU ELBASAN				
7	Bashkia Librazhd	Rehabilitim urban i zonës në të dyja anët e rrugës kryesore, të qytetit Librazhd dhe sistem asfaltim, rruga e “Dibrës”	111,527,408	33,458,222
8	Bashkia Gramsh	Rehabilitimi i rrugës “Devoll”	76,274,846	22,882,454
QARKU VLORË				
9	Bashkia Vlorë	Rikualifikimi i bllokut të banesave kufizuar nga rrugët "Bulevardi Ismail Qemali", "Rruga Kosova", "Gjergj Araniti"	146,231,210	43,869,363
10	Bashkia Vlorë	Rikualifikimi i bllokut të banesave kufizuar nga rrugët "Bulevardi Ismail Qemali", "Rruga Hasan Kushta", "Gjergj Araniti"	169,814,508	50,944,352
QARKU KUKËS				
11	Bashkia Has	Rehabilitim i rrugës së fshatit Zahrisht	152,143,061	46,433,088
12	Bashkia Kukës	Sistemimi asfaltim i Unazës veriore të qytetit Kukës, karburanti i vjetër-stacioni Morinë	97,247,799	29,174,340
TOTALI			1,715,598,367	515,469,680

**Shënim:**

1. "Vlera e projektit", përfaqëson vlerën e financimit për projektin, miratuar me vendim të Komitetit për Zhvillimin e Rajoneve.
2. "Vlera e financimit për vitin 2017" (tabela 1/2), është financimi me burim programin buxhetor "Infrastruktura vendore dhe rajonale", fondi për projekte të reja, nga buxheti 2017 i Ministrisë së Zhvillimit Urban. Vlera është komunikuar nga sekretariati teknik pranë Ministrisë së Zhvillimit Urban, me shkresë nr.846, Prot.7.2.2017.
3. Likujdimi financiar për vlerën e projektit (ose për vlerën e kontratës pas prokurimit publik) në vitet në vazhdim do të kryhet nga Ministria e Zhvillimit Urban, duke u bazuar edhe në ecurinë e zbatimit dhe të realizimit të projekteve, programuar në buxhet me shtrirje në 2 apo 3 vite.